

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la

Pragæ, 1672

Caput 23. Quomodo illi Spiritus Sanctus manifestaverit, se assistere
summo Pontifici Ecclesiæ, denuóq[ue] sibi ipsam desponsaverit, cum
novis gratiæ suæ donis.

urn:nbn:de:hbz:466:1-38580

Mysteria Passionis, Mortis, Resurrectionis & Ascensionis, ac Mysterium Adventus Spiritus sancti, ubi Dominus aliquantum substitit, & interea Sanctus Angelus meus Custos, me apprehendit, ac texit quodam velo coloris cœrulei & aurei, posteaque inclinatam collocavit coram Domino, & illam mysticam catenam, quam servaverat intrâ se, imposuit collo meo triplicatam, ut esset symbolum sanctissimæ Trinitatis. Vertit se ad me Dominus, quæ eram quodammodo afflita, & vehementer admirabar tantam magnificentiam, communicavitque me spiritualiter, representatione spirituali Divini Sacramenti. Deinde redit ad altare, & Angelus meus Custos me abduxit, ac reposuit in meo loco. Fuerunt extraordinarij affectus, & motus, quos in mea anima excitavit hæc Divina misericordia: quia dum ista agerentur, vidi intrâ me ipsam totum mysterium Beatissimæ Trinitatis cum magno meo stupore, non enim recordor me vidisse simile mysterium intrâ me. Hic Divinus Dominus Trinus in Personis, Unus in Essentia, ibi mihi ostendit mysticam quandam manū, quasi nonnihil coopertam, quæ erat figura & symbolum sacratissimæ Personæ Spiritus sancti: qui Dominus extremitate dighi-
ti illius sacræ manus tetigit meum pectus

in altera parte sinistra, reliquo ibidem ex primo signo, & vulnusculo, fuitque efformata Crux ex illis septem stigmatibus, quorum quinque erant sica secundum longitudinem, & duo transversim. Miserabile verò corpus remansit valde afflictum, & confractum per multos dies.

Post hoc Majestas Christi JESU Domini nostri abivit, datâ mihi prius suâ benedictione, & illi sancti Patriarchæ me sunt amanter alloquuti, valedicentes mihi, ac dicentes, ut eorum nomine precarer felicia festa ipsorum filijs, quos essem conceperuta. Postridie mihi dixit sanctus meus Angelus, opus illud misericordia à Domino in me per impressionem eorum septem stigmatum ideo peractum fuisse, ut in me confirmaretur virtus septem donorum Spiritus sancti, quæ jam mihi communicaverat, ac pro novo augmento, lumine, & cognitione divinarum ipsius & excellarum virtutum, addiditque fore, ut in me experirer veritatem ipsius verbonum; & intuens cum gaudio pectus, mihi dixit: Anima mea, inter omnes misericordias & gratias, quas tibi D E U S præstít, perdecursum tuæ vitæ, hæc est admirabilissima meis oculis, de quo summè laetor. Benedictus sit D E U S!

• 9) * * (50)

CAPUT XXIII.

Quomodo illi Spiritus sanctus manifestaverit, se as-
sistere Summo Pontifici Ecclesiæ, denuoque sibi ipsam desponsaverit,
cum novis gratiæ suæ donis.



Via spiritualis desponsatio
habet in hac vita continua
incrementa, per nova dona
Spiritus sancti, instaurabat
subinde Divina Majestas
eam, quæ sibi hanc suam
Sponsam junxerit, modis per quam miris &
mysticis, qualis est sequens.

§. I.

Paucis diebus, inquit, ante Nativita-
tē Domini (in Decembri anni 1622.)

postquam internè cognovissem, quid mihi D E U S esset præstitus aliquam extraordianariam gratiam, circumplexi oculi animæ, & vidi quandam rotundum ac prægrandem circulum, quem aliquantò altius circumdabat quedam solidissima, & plena mysterijs catena, ex purissimo & splendi-
dissimo auro. Intrâ istum circulum con-
siderabat in sella cum magna majestate sum-
mus Pontifex, cuius capiti desuper immi-
nebat sacratissima Persona Spiritus sancti
cum summa Majestate, Potentia, & Ma-
gnitudo.

gnificantia, videbaturq; se spectandam exhibere in specie splendidæ nubeculæ, quæ mihi brevi disparuit ex oculis. Hic Divinus Spiritus illuminabat suis inspirationibus animam, & intellectum Pontificis, nè erraret in rebus pertinentibus ad definitionem Fidei, & DEUS mihi quoad hanc veritatem contulit magnum lumen. Intra eundem circulum adhærentes illi catenæ stabant, Episcopi & cardinales etiamnum viventes, in altera verò parte comparebant eodem modo sancti, novi & veteris testamenti. Postea vidi assurgentes in illo circulo flamas mystici ac Divini ignis, quibus procedentibus ad Cœlum, descendebant aliæ similes, ità ut ille locus & Cœlum Empyrium viderentur esse unum quiddâ divinum, & mirabile, esletque communicatio & correspondentia cœlestis inter utrumq; eum locum. Circundabant quoque catenam aliquis sancti Angeli; his visis fui attronita, & obstupui, dixitque mihi DEUS: Anima, mysterium, quod hic vides, est species & figura Ecclesiæ militantis ac triumphantis, & admirabilis commercij, atque communicationis, quæ inter utramque intercedit. Revelata mihi etiam fuit potestas, quâ est prædictus Pontifex, ut concedat Indulgencias, & potestas clavium, quarum usus est in Sacramento Pœnitentiae.

§. II.

Dinde Divinus ille Spiritus ad me appropinquavit, & alloquendo secrete meam animam, atque quam spiritualissimè verbis divinis, mysticis, & arcanissimis, adeò ut vix ab anima possent percipi, mihi dixit: *Anima, deinceps eris tota mea, & ego ero totus tuus.* Statim autem ac DEUS illi hoc tam secrete dixerat, quasi ipsam propter ejus timiditatem disponeret, ut illum alloqueretur verbis clarioribus, & quam facilius atque manifestius posset percipere, ac intelligere, dixit: Tu Anima, eris mea Sponsa, & ego te amabo, atque tu amabis me, nec unquam à me separaberis, neque te quidquam poterit separare à me, sed nee ego unquam te derelinquam. Quando mea anima audivit suum DEUM, & illum

Divinum Spiritum, tanta ac tam admiranda proferentem, vehementissimè obstruit, & plena affectibus profundissimæ humilitatis, gratamque se exhibens pro tanto beneficio & gratia, quam illi DEUS præstiterat, respondit: Domine, & DEUS mihi sum tua indigna ancilla, & paupera creature, atque talem me reputo, & agnosco, coram tuo Divino conspectu. Quæ verba cum anima dixisset suo DEO, statim fuit exornata pallio, quod totum erat cooptum auro, ac gemmis splendidissimis, & Divinus ille Spiritus possebat rotam meā animam, mēque secum univit fortissimā & extraordinariā unione, ac intercā me unā duxit ad cœlestem Jerosolymam, præsentavitque toti Beatissimæ Trinitati, eademque sacratissima Persona Spiritus sancti unita cum illo Divino Eſte, me retinebat quasi in te ipſa, & in suis Divinis brachijs, ubi tam diu permanſi, ut me multis diebus non potuerim separare à meo DEO, vixque potuerim quidquam aliud agere. Rememorabam sacerdotem & conservabam in meo corde veritatem eorum verborum, quæ mihi Dominus dixerat: *Deinceps eris tota mea, & ego ero totus tuus, neque te quidquam poterit separare à me.* Propterea enim magno affluebam solatio, & confidebam in ejus bonitate, ità ut mihi esset quasi certissimum quoddam illius pignus; aliunde verò, hæc ipsa misericordia, & gratia, quam DEUS mihi præstebat, me deprimebat & humiliabat usque ad abyssum mearum miseriarum, timenter ac trementem cum amore ac fiducia, ne mea anima unquam careret fidelitate, puritate, & fide debitâ tantæ gratiæ, & misericordiæ, quam suscepserat. Cum his pijs motibus & affectibus interrogavi meum sanctum Angelum Custodem, quomodo essent intelligendi isti affectus, quos mihi DEUS communicabat, ità ut secura conquieteret & confiderem in ipso, unaq; filialiter metuerem de eo perdendo, & nè mea deficeret fidelitas atq; gratitudo, quam debeo pro gratijs & beneficijs ab illo susceptis. Respondit mihi sanctus Angelus, dixitq;: Dum aliquis sponsus magno prosequitur amore suam dilectam Sponsam, ipsique tene-

tenet & fideliter afficitur, illa respondens huic favori, & gratiæ, quâ eam Dilectus ipsius sponsus dignatur, ijsdem semper affectibus illum amat, omnemque ejus quodammodo observat nutum, præ desiderio, quo tenerur, ut ipse placeat ac obsequatur, sèque exhibeat fidelem, & in amore constantem: interea tamen quodammodo etiâ timet, nè illum perturbet, ac vel in minimo offendat, quanvis confidat, sitq; quasi secura, Sponsum tantâ circumspectione cum ea acturum, ut illam sit pro sua prudentia gnaviter ac amanter adjuturus, taliterque directurus, ut ipsa licet imbecillis, permaneat semper & perseveret in ejus gratia & amore. Ita se suo modo habet hoc coeleste Ænigma, de quo me interrogas. Esto bono animo, & age magnas D E O gratias, pro tanta misericordia, & favore tibi concessis: est enim unus è maximis, quos unquam suis creaturis exhibuit. Ipse sit benedictus in æternum!

§. III.

Peractis his mysterijs biduo post, agens cum D E O, vidi me quasi circumdatam quibusdam muris, ex purissimo & splendidissimo exstructis auro, in quibus erat parva arcuata portula, pariter aurea. Incepi cogitare, quale id esset mysterium, & statim vidi per illam portulam prodeuentes singillatim quatuor Angelos, qui me consueverunt quandoque visitare, ac descendentes per quosdam quasi gradus aureos. Venerunt ad ceteros, qui mihi ordinariè assistunt, & postquam sibi invicem exhibuerint honorem, conversabantur secum modo quodam spiritualissimo; quatuor vero Angeli, qui advenerant, obtulerunt quatuor preciosos grandes, præstantissimos & splendidissimos lapides quatuor, illic residentibus Angelis, valde modestè, jucundè, & admirabiliter. Sancti vero Angeli suscepserunt eodem modo illos preciosos lapides, & gratias agentes D E O, pro ejus misericordijs ac favoribus mihi ab ipso exhibitis, atq; exosculantes eum thesaurum, obteraverunt illum. Post hoc Sancti ij quatuor Angeli ab ipsis discesse-

runt, & ab anima mea, dicentes: Vale, Sôr nostra; statimq; ascenderunt per gradus aureos, & ingressi sunt portulam, nec illos ultrâ vidi. Post multum temporis deinde interrogavi meum sanctum Angeli Custodem: Angele mi, & Domine, rogo te per Dominum, quem amamus, & cui servis, ut, si id vult Divina Majestas, mihi dicas, quæ mysteria sint ista, horum graduum ac murorum aureorum. Sanctus Angelus quâlibet respondit: Noviris, quod postquam Divina Majestas, & sacratissima Persona Spiritus sancti, fecit admirabile illud opus, dignum suâ infinitâ Bonitate & Sapientiâ, quando te sibi sponsauit per illam cœlestem ac Divinam unionem, in qua te possedit, scilicet in uinit, in eodem momento te circumdederit quibusdam parietibus & muris ex solido auro, quod est symbolum charitatis, ut nè te in posterum quidquam posset offendere, neque impugnare tuam perfectionem, aut violare puritatem tuæ animæ, & fidem, quam debes tuo D E O ac Domino, & Divino Sponso. Quatuor pretiosi lapides, quos vidi allatos à quatuor Angelis D E I, & oblatos quatuor tibi assistentibus, quosque ego habeo in mea potestate, fuerunt cœlestis thesaurus, quem ibi Divinus Sponsus dederat, ut te locupletaret, & exornaret, tanquam suam Sponsam, reddens te ita gloriam suis Divinis oculis. Hi sunt Symbolum & representatio illarum quatuor admirabilium virtutum ac donorum cœlestium, Charitatis, Puritatis animæ, Fidei & Confidentie, arque admirandi doni Perseverantie. Ita fundit Anima, mysteria, quæ Omnipotens D E U S, qui est is, qui est, operatus est in te; age ei idcirco magnas gratias, & lauda ipsum.

§. IV.

Non multò post (in Januario anni 1623.) vidi in meo cubiculo quosdam splendores exteiros, qui me rapuerunt in aliquam admirationem. Sanctus meus Angelus Custos dixit: Ibi sancti Angeli, mei socij, se commoverunt, & emiserunt ex ictus splendores, instar stellarum, quas vidi

vidisti. Accesserunt ad me sancti Angeli, & dixerunt: Magnus Rex Majestatis venit ad invisendam suam Sponsam. Cum audivisse nominari Sponsam, fui valde confusa, ac dixi: Per amorem DEI illos rogo, & obsecro, mei Domini, non loquantur taliter: Ego sum ancilla Domini, & sic me debent appellare. Responderunt: Soror, nobis non est loquendum, sicut tu vis, & nobis dicis, sed sicut nobis Dominus injungit & præcipit. Durante isto colloquio, audivi quendam tumultum, ac si adveniret ingens aliqua multitudo, & oriebatur ex eo, quod veniret sacratissima Persona Spiritus sancti, cum magna maiestate, & pompa, comitantibus ipsam plurimis Angelis: quâ adveniente, excitabatur ille strepitus. Quando pervenit ad meum cubiculum, intravit Divina Majestas cum eo comitatu, & perbenigne atque amanter me est alloquia, dicendo: Anima, veni mecum, & quiesce in me, es enim afflita. Statimque me possedit, abripiendo me potenter & suaviter, ac univit secum forti & potenti unione, atq; ita unitam me duxit in spiritu ad cœlestem Patriam. Postquam eō pervenisset, dimisit me, dixitque sanctis Angelis: Accipite istam Animam, & circumducite ipsam per totam istam cœlestē



CAPUT XXIV.

Quomodo ipsam Persona Spiritus Sancti visitaverit
alijs multis vicibus, ducendo illam in spiritu ad cœlestem Curiam, candemque ipsi ostendendo, nec non reliquas Personas, & exhibendo
alios magnos favores.

§. I.

Btentum favorem, de quo in precedenti capite dictū est, securè sunt frequentiores visitationes. Quādam die (in Martio anni 1623,) ait, animadverte in oratione, quod mihi DEUS esset concessurus aliquam extraordinariam gratiam, & audi vi meos Dominos Angelos colloquentes

ac dicentes: Magnus DEUS Majestatis venit ad suam Sponsam, disponamus nos. Aliquantò post audiri ingentem strepitum tympanorum, ac tubarum, & musicam, cœlestem omnibus absolutam numeris, ac audiri jucundam, vidique aperiri Cœlos, & omnem illam cœlestem Angelorum, ac animarum Beatarum Aulam descendentium ad terram, meum cubiculum versus, quasi se paulatim demitterent cum gravitate & autoritate. Angeli veniebant splen-